

پازار ایرتسی فی ۲۳ صفر ۱۳۳۰

وفی ۳۰ کانون ثانی سنه ۱۳۲۷

|| جمعیت علمیہ اسلامیکہ ناک ناشر افکاریدر ||

صاحب امتیاز :

فاتح مجیز در سعاملرندن

نصوح افندی زاده

مصطفی عاصم

سر محرر :

فاتح مجیز در سعاملرندن

توقادلی

مصطفی صبری

مدیر مسئول

مکتب قضاة معاملرندن

کلیسی

منیر

مندرجات

بیان الحقل قر دیازیسی

حق وظیفه

مدنیات شرعیہ

تاریخ اسلام

تذکیر دیانت

بر اخطار

مستقبل مبعوث لریمز

اتحاد وائلاف

حسب حال

...	...
م . صفوت	...
محمد عاطف	...
طاهر المولوی	...
الحاج محمد	...
مصطفی عاصم	...
ع طیار	...
محمد فوزی	...
وهی	...

اعلان

نسخه سی ۱ غروش

آبونه اجرتی (پوسته اجرتیله برابر در)

استانبول وولایات ایچون :

بر سنه لکی ۵۰ غروش

آلتی آیلنی ۲۵ »

مماک اجنتیه ایچون :

۱۳.۰۰۰ فراتق

» ۶.۵۰۰

درج اولنمیان اوراق اعاده ایدلمز

قارئلمز

اکثر مقالاته آیات کریمه و احادیث نبویه درج ایدلمش بولندینی نظرا اعتبارده آتیه رق رعایتسز لکده بولسالم مسی رجا اولنور .

[نویبع طباعت] محمد حلمی و شرکاسی عدلیه خانی نومرو ۱۹

مدنیت شرعیہ ، ترقیات دینیہ

اصل ثانی

سورہ (آل عمران) ك (۱۵۹) نَجِی (فبما رحمة
من الله لنت لهم ولو كنت فظا غليظ القلب لانفضوا من حولك
فاعف عنهم واستغفر لهم - يا محمد احد غزاسنده حرص غنیمت
كی بعض سائق سبیلہ موقعلری ترك ایدردك امركه مخالفت
وانهزامه سبیت ویرنرد حق تعالاك رحمتیه - سنی آنرد
تلطیفه موفق قیلمسبیه ملایمت و التفات ایتك - مرحمت
كوستردك ، حسن معاملده بولندك . یوقبه بد خویلی ،
سرت سوزلی ، قتی یوركلی ، مرحمتسز اولیدك آنلرسندن
نفرت ایدرلر ، اطرافندن طاعیلوب کیدرلر وهیچ بری
یانكده قالمالزدی . بناء علیه یوم احدده سنك حقهكده ارتكاب
ایلدكاری قصورلری عفو ایله . الله تعالی حقنده ارتكاب
ایلدكاری قصورلرندنطولانیده بندن مغفرت طاب ایله .
تاكه آنرد اولان شفقت و مرحمتكی اتمام و اكمال ایتش
اولهسك)

اشبو آیت جلیله انسانری سطوت حكومت وسلامت
ماتی تأمین ایدرجك ایکی مهم سیاسته ارشاد ایلور :
اولا — اهالی وتبعه حكومتدن نفرت . مأمورین حكومه
بغض وعداوت ایتهمك ایچون فنا وسرت سوزدن . عنف
وشدتله معاملدن ، خلاف قانون وكیفی معاملتدن اجتناب ایدملی .
ثانیاً — اهالینك حكومه محبتلری جلب ایتك .
ارتباطلری تزیید و اكمال ایتك ایچون آنرد التفات .
حسن معامله ، مرحمت وشفقت ایتلی . چونكه : ولی الامر
ومأمورین حكومتك تبعه حقده حكم و ریاستلری قانون
شرع وعقابه وقواعد حكومه توانق ایتدجكه . نظروهممتلری
تأمین بلاد . ترفیه وشفقت عباد اولدجقه نه امور حكومت
كسب انتظام ایدر ونهده ملت ومملكت نازل سلامت اولور .
امام (علی) كرم الله وجهه افندمن مصره والی نصب
واعزام بیوردقلری اجله صحابه كرامدن (مالك بن الحارث) ده
تسطیر و اعطا ایلدیكی (عهد نامه) نك بر فقره سنده

بیوریورلرکه : (حسن سیرتكله خالق قلبنده کی اغراض
و سیئاتك باغلری چیوز . تبعیه حسن معامله ایله . ترك
اسأله اسباب عداوتی قطع ایت) امام مشارالیهك كلام
عالیله اهالیك حكومتدن بغض وعداوتلری دفع وازاله
ایدهجك و جهل سنك تماماً حكومه ارتباطلری ايجاب
ایلهجك قواعد اساسیهی و حكومت مأمورلری حسن
اخلاق اربابندن انتخاب ایدملی لازم اولدیغنی ومأمورلر
اقوال وافعالی برلسمدجكه اجراءات حكومتك خلق اوزرنده
تأیری كوریلهمیهجكنی بیان بیورهمقدهدر .

كبرای امتدن بعضیلری دییورلرکه : تبعه : كبر ،
صغیر . وسط اولق اوزره اوچ قسمدر . كرك ولی الامر .
كرك سائر مأمورلر بیوكارده پدر . وسطلره قیردهش .
كوچكارده اوغل نظریله باقالی . بناء علیه بیوكارده اكراه
و احترام وسطلره احسان . كوچكارده مرحمت و عفت
ایتلی در . زیرا بر شخصك . بر قومك . بر حكومتك
سعادت و سلامتی اوامر سبحانیهمیه اطاعت . مخلوقات
صمدانیهمیه شفقت ایله وجود بوله بیلور .

عجم پادشاهلرندن (یزد جرد) ملك ودولتک صلاح
و بتامی نه ایله اولور دیه بر حكیمدن صورمسی اوزرینه
حكیم مشارالیه دیشدرکه : تبعیه رفق و ملایمتله معامله
ایتمك . رسوم و ویركو تحصیل ائمانسنده عنف و شدت
كوسترهمك . اولوالامر ومأمورین حكومت دائماً اجرای
عدالتده بولنهرق كندیلری تبعیه سودیرمك . دخل
مملكتده بولنان یوللری اهل بقی و شقاوتك تعرضاتندن
مصرفون قیدمق . ظالمردن مظلوملرك حتلری آلیق ایله
ملك ودولتک صلاح وبقامی تأمین ایدله بیلور .

عنف و شدتله معامله اهالی وتبعه یز حكومتدن سغیر
ایدهجكنه ومأمورین علیهنه بغض و عداوت حمله
كثیرهجكنه تاریخ دخی شهادت ایتكدهدر . ازجهل امور
دورنده ویركو تحصیلنده پك زیاده عنف و شدت اجرا
اولنیوردی . بوجمله اهالی حكومتدن صول درجه دلگیر

عضو حکمة الله زائد ویا معلول اوله بیلور . فقط آنی معاینه ایدوب تداوی ویا قطع ایده جک اربابی بولندیندن بز کیفما اتفق حکم وحرکت ایدهمیه رک وینه آجیه رق اول معامله یی اربابنه ترک ایدرز . لکن ارباب اختصاص برچوق جدی معاینه و محاکمه دنتکرده آجیمز و آجیه من ایجابی اجرا ایدر . اگر ایتمز ایسه بتون جسدی اضرار ایتمش اولور .

اویله ایسه بزهر ایشمزی حکومت مزه ترک ایدوب حکومت دخی معاینه و محاکمه واجرانی حقیله ایضا ایدوب ایتمدیکنی تقشش ایچین طرفزدن برر امین وکیلر نصب ایدرک بزکندی وظیفه مزه خالی قلب ایله دوام ایتمک لازمدر . آنحق وکیل هرخصوصه مؤتمن اولوق اقتضا ایلدیکندن بوخصوصه غفات ایدیه رک وخاطر وکوکله باقلمیه رق اهالی منتخب ثانیلرک ومنتخب ثانیلر مبعوث اوله جق ذوات کرامت احوال عمومی وخصوصیه لرینی واعمال ماضیه لرینی بی طرفانه غایتله تحقیق و تدقیق وعامه نك نظرندده امین مقتدر ومستقیم کرک مسلم وکرک غیرمسلم اولسون . کندی دینه صاحب ودوات وملتته صادق ذواتی مهمالمن تحری ایلمرینی سلامت وطن نامنه بالعموم وطن دشلمدن رجا ایلر . وعقلای تجارک فائده لری بیعده دکل شراده مثلی مشهورنجه هرشی ابتداسنده دوشونمک اهم مهماندن اولدیغنی تفهیم وهربررایک جمیع وطن وملت قدر قیمتی اولدیغنی تقدیر وصرکه ندامتک ذردقدر فائده سی اولدیغنی کوزجه ملاحظه ایلمرینی توصیه ایلم و من المله اتوفیق .

ایوب سلطان زال محمود پاشا وحاجی بشیراعامدرسه لری مدرسی فاتح درسعالرندن اذمیتلی

کورجی محمد فوزی

بر حسب حال

خداوندک جلال اسمی ظهور ایتدی عباد اوزره علاماتی اینوب حیوان و اشجار و جهاد اوزره

وحسن ظننه کوره لواء عثمانی تحتندده مجتمع اولان عناصر مختلفه نك قسم کایسی بو خصوصده دخی متحددر . زیرا جمله نك مطلوبی شوووظده شونام مبجل ایله یشامق و ترقی ایتمکدن عبارتدر . وشواتحادک وجودی اهالیز طرفندن بالفعل ثابتدر . چونکه عسکره کیمه کدن ویرکو واعشار ویرمکدن له اتحاد امتناع ایلیان همان یوق کیددر . اگر بو اتحاد موجود اولسه نعوذ بالله تعالی ذاتاً اجتماع تحت اولور . آنحق بینمزدده بعض اختلافات ظهورینک اسبابی اختلافزلتدندر . دولتار بیننده اتحاد وائتلاف باشقه معاندده مستعمل ایسه ده بزده کی ائتلافک معنای حقیقیسی نسبت والقتله اجتماع ایلمک برریمزه ایصنوب تحصیل مطلوبده قلوب وقلابی بریکدیرمکدن عبارتدر . مع التأسف کورولپورکه وطن مزه بیر اغمزده محبتمز اعتباریله مطلوبمز بر اولوب اساسده متحد اولدیغمز حالده یکدیگریمزه بیانجی کی دوردرق اتفات واطهار محبت ایتمکده یز . باخصوص اجتماعیات نقطه نظرندن هربررلیمز شوووطنک وشودولتک برراعضایی و بررجزئی اولدیغمزی ویکدیگریمزک لازم وملزومی بولندیغمزی نظر اعتباره آلمدیغمزدن برر مشکلاته معروض قلوب مطلوبه واصل اوله میوزر .

« دولت حسنک دیلرسن اگر اولسون دایدار »
سویله غمزن کسه یی زنجیده خاطر قلماسون
جناتش ایله مرآت دلی صد باره ایلرسن
نه نمکندوینه دیرسن خاطر پریشان اولماسون »
شودمقدمه لردن طاهر اولپورکه اساس اجتماع اتحاد فی المطلوب وموصل الی المطلوب ائتلاقدر .

وشونلرک معنارینی من غیرحد ناچیزانه بیان ایلمکدن غرض اهالیز افقظ پرستلکدن خلاص اولوب هرشیاتک معنای حقیقیسینه واقف اوله رق کرک مسلم وکرک غیر مسلم کرک عام وکرک جاهل کرک غنی وکرک فقیرک کافه سی شوووطنک برر عضوی اولدیغنی اعتقاد ایله اک ادنا بروطن قرداشنی عضو زائد تاقی ایتیه رک حقوق وطنیه یی محافظه ایله یکدیگره بذل اتفات ایتمک فائده سی بیله یرمکدر . اوت بر